

МИНИСТЕРСТВО ОБРАЗОВАНИЯ И НАУКИ РЕСПУБЛИКИ ДАГЕСТАН  
МУНИЦИПАЛЬНОЕ БЮДЖЕТНОЕ ОБЩЕОБРАЗОВАТЕЛЬНОЕ УЧРЕЖДЕНИЕ  
«НОВОВИКРИНСКАЯ СРЕДНЯЯ ОБЩЕОБРАЗОВАТЕЛЬНАЯ ШКОЛА»

# Открытый урок на родном (даргинском) языке

Урхьула урчи

**5 класс**

Подготовила: учитель родного языка  
и литературы Алиева Зухра К.

**Тема:** Халкъла хабар «Урхьула урчи»

**Мурад:** Пикриличил ва чебатаахъили произведение буч1ахъес дурх1ни бурсибарни

Чебаъла ваях1-хабар х1ясибли дарибти дурх1нала суратуни

### *Дарсла бух1набуц*

**Муг1яллим:** Дурх1ни, нушани «Урхъула урчи» бик1уси халкъла хабар белч1и таманбарира. Ишбарх1и нушани викторина дурабурк1ех1е. Илини чебиахъу, хабарла бух1набуц чили г1ях1ил балулил. Чедибикибси команда-ла дурх1нас лебтасалра «5» кыматуни кадалтути сари. Дек1арбирех1е жюри. Жюрила члентани баллани умцу ва чедибикибси команда белгибиру. Илала дурабад, гъар бархъли каргъурси жаваблис 1 балл имц1абируси саби.

*(Жюри дек1арбиру)*

**Муг1яллим:** Чичила сари ишди гъай: «Гъарилла хъуц1арличиб х1ячми булан къябдарили абит1унси галга лебри, гъарил галгаличир черях1кахъили пилани лерри»? (бархъси жаваблис 5 балл+1 балл бархъли каргъурси предлож-лис)

**Дурх1ни:** Ишди гъай рухъна бяжукла верх1елра нартуршиличила сари

**Муг1яллим:** Сагаси неш раргес се барес г1яг1нили буили? (4б.)

**Дурх1ни:** Сагаси неш раргес багъандан илала михъирличи к1унт1убачил къячикес г1яг1нили буили саби.

**Муг1яллим:** Ил сек1ал чили бариба? (2б)

**Дурх1ни:** Ил бариб бяжуклис дурх1яли.

**Муг1яллим:** «Дунъяла къакъличиб х1ебалуси лебси ах1ен» чили? (4б)

**Дурх1ни:** Дунъяла къакъличиб х1ебалуси лебси ах1ен бяжукла верх1ъибил дурх1яли.

**Муг1яллим:** «Берх1и гъаббак1ниличил дегъличи дурабулхъан, ца х1ули къяп1барайчи х1яйна дунъя алавбиру» сели?

**Дурх1ни:** Урхъула дях1иван ц1уба урчили ца х1ули къяп1барайчи х1яйна дунъя алавбирули саби.

**Муг1яллим:** Се саби «берх1и къяйда шалабик1уси»? ?

**Дурх1ни:** Берх1и къяйда шалабик1уси урхъула шагъла рурсила мургъила пях1ул саби.

**Муг1яллим:** Чили сарри пях1лала палтар челгъути?

**Дурх1ни:** Пях1лала палтар челгъули сари, базес аркъух1ели, урхъула шагъла рурсбани.

**Муг1яллим:** Се сарри хабарлизир ниъли диц1ибти?

**Дурх1ни:** Хабарлизир ниъли диц1ибти къуюра шарара сарри.

**Муг1яллим:** Селис пайдаладирули ишар ниъ?

**Дурх1ни:** Ниъ ишар урчи курт1бях1яхъес ва бухънаби жагъбиахъес пайдаладирули сари.

**Муг1яллим:** Чи сая гъургъашинван къуюла лут1илиа арякъунси ва илав калунси?

**Дурх1ни:** Къуюла лут1или аракъун ва илав калун Валк1а шагъ.

**Муг1яллим:** Чум метрла мурхъсири ил къую?

**Дурх1ни:** Ил къуюла мурхъдеш 42 метр ва 60 см сабри.

**Муг1яллим:** Чум мургъила сек1ал къаршидикиба х1ушаб хабар буч1ух1ели?

**Дурх1ни:** Хабар буч1ух1ели, нушаб къаршидикиб мургъила пях1ул, мургъила гили-къабта, рурсила мургъила чури, мургъила гая.

**Муг1яллим:** Сегъунти миц1ираг ва арцанти къаршидикиба хабарлизир?

**Дурх1ни:** Хабарлизир къаршидикиб урчи, пилани, хури, х1унт1ена къули, лагъни.

**Муг1яллим:** Къияндикибси замана шагъла рурсилис сели кумек бирулри?

**Дурх1ни:** Шагъла рурсилис х1унт1ена явлухъли кумекбирулри.

**Муг1яллим:** Илгъуна сек1айс сегъуна сек1ал или бик1ара?

**Дурх1ни:** Илгъуна сек1айс сих1рула сек1ал или бик1ар.

**Муг1яллим:** Халал узини гъунчиб буцибси се саниг1ят сабри?

**Дурх1ни:** Халал узини гъунчиб вачрукъяла саниг1ят буциб.

**Муг1яллим:** Хабарлизиб чинаб ва селис г1яг1нибикиба къани?

**Дурх1ни:** Къани г1яг1нибикиб бяжуклис дурх1я диг1январес ва урхъула шагъла рурсила палтар кадихъес.

**Муг1яллим:** Луг1и 3 чуйна къаршибикиба х1ушаб хабарлизиб?

**Дурх1ни:** Ил луг1и нушаб гех1на къаршибикиб: 3 дурх1я, 3 гъуни, 3 къярд, 3-на урчили дунъя алавбиру, урчи 3-на т1ях1бухъун, шагъла 3 рурси , 3 лагъа, 3-на даршал дус.

**Муг1яллим:** Дурх1яли, зумаси вац1ализи ветаайчи, чум дубура, къярд ва г1иникъ ахъиба?

**Дурх1ни:** Дурх1яли ахъиб 3 дубура, 3 къярд, 5 г1иникъ.

**Муг1яллим:** Чиди ранг имц1али къаршидиркули хабарлизир?

**Дурх1ни:** Хабарлизир имц1али х1унт1ена ва ц1уба ранг къаршидиркули сари: х1унт1ена явлухъ, х1унт1ена къули, ц1уба урчи.